



Infurmaziuns dalla suprastanza communal da cumegn Albula/Alvra:

Fanadour / avost 2018

- La suprastanza communal ha examinà e lubia diversas dumondas da biagier.
- Per la midada digls chintaders d'ava aint igls cumegns uriunds da Brienz/ Brinzauls, Stierva e Casti, ha la suprastanza communal approvà en credit da CHF 80'000.00.
- La suprastanza communal ha examinà ed approvà igl rendachint annual 2017 dalla serenera a Casti.
- Igls commembers da suprastanza èn nias infurmos digl president e gestiunari digl Parc Ela davart la dumonda digl „Label 2022-2031“. Davent digl avost anfignen igl otgover 2018 vignan divers tschertgels da lavour a sa confruntar mintgamai an 1-2 luvratoris cun igls temas: nateira ed agricultura, cadagnas d'elaboraziun, turissem, scolaziun e cultura.
- La suprastanza communal ha piglia cunaschientscha digl project „Center da seniors Oase Churwalda“.
- Ena dumonda per ena natiralisaziun privilegeida aint igl cantun Grischun ed aint igl cumegn d'Albula/Alvra è neida approvada sen proposta dalla cumischung da natiralisaziun.
- An connex cun las examinaziuns currentas dalla bova da Brinzauls èn neidas surdadas las incumbensas per la recognosziun geologica cun ageid da seismica e geoelectrica. Igls costs totals per chellas lavours, tgi èn risguardos aint igl credit brut, montan radond CHF 104'000.00. La surdada dalla seismica è neida surdada alla firma Geotest SA, Turitg, chella dalla geoelectrica alla firma Techgea srl., I-Torino.
- La suprastanza ha fixà igl termin per la proxima radunanza communal sen igls 12 d'otgover 2018.
- Bova da Brinzauls: la suprastanza communal ha surdo las lavours per igls da „Sondadis digl fundamaint“ (dus perforaziuns crennadas) alla Stump-BTE SA, Solothurn, an import da CHF 672'492.67 incl. TPV.
- Per la transposiziun digl «Smart Power Managements-Systems», ha la suprastanza communal approvà en concept da «Rollout». Igls costs totals per la transposiziun digl concept montan a radond CHF 1'170'000.00 incl. TPV. A caschung dalla proxima radunanza communal vign igl project preschento e la proposta pigl credit sottamesa alla radunanza communal.

- La dumonda digl consorzi Casti Plus per prolongar igl termin dall'antschatta dallas lavours da construcziun è neida approvada e deliberada per mang dalla radunanza communalala.
- An connex cun la realisaziun dalla furniziun d'electricidad necessaria a Vasarauls, Brinzauls, èn neidas surdadas las suandontas lavours: Lavours da construcziun, lavours da sanitad, furniziun e montascha digls transfurmatour a Vasarauls, lavours da montascha electricas, furniziun digl cabel VK Got Pintg, furniziun digl cabel MS. Las lavours da construcziun èn neidas surdadas alla firma Paterlini SA, Lai, an import da CHF 396'821.20 incl TPV. La surdada dallas lavours da sanitad è surdada alla firma Simeon Haustechnik SA, Lantsch an import da CHF 56'482.35 incl. TPV.
- Per la compra da divers transfurmatours, ò la suprastanza communalala approvo en credit da CHF 90'530.00.
- La suprastanza communalala ò approvo en credit per ramplazzar igl transfurmatour a Solas, Alvaschagn, an import da CHF 57'660.00 e per ramplazzar igl transfurmatour a Pro Quarta, Alvagni, en credit da CHF 55'500.00. Las lavours correspondentas èn neidas surdadas.
- La suprastanza communalala ò fixo las tariffas d'electricidad per igl 2019, sa basond agl preventiv dalla interpresa responsabla per igl provedimaint d'energeia digl cumegn Albula/Alvra IPE/EVU. Las tariffas vignan publitgeidas igls proxims deis sen la pagina d'internet.
- Per la planisazion da ples onns digl CL/LK (cataster da lengias), ò la suprastanza communalala approvo en credit da CHF 190'629.00 (incl. TPV/excl. atgnas prestaziuns).
- La suprastanza communalala ò accepto igl preproject «Sonderwaldreservat Steigrügg, Davos-Wiesen» e sottascetg igl contract da dretg public tranter igl cumegn d'Albula/Alvra ed igl cantun Grischun.
- La suprastanza communalala ò piglia cunaschientscha digl project „Center da seniors a Churwalda“. La dissoluziun digl consorzi da cumegns dalla tgesa regionala d'attempo e da tgira Lindenhof igl mument digl scumanzamaint digl menaschi nov digl center da seniors vign preschentada a caschung dalla proxima radunanza communalala.

Infurmaziuns dalla radunanza communalala digls 20 da fanadour 2018

- La lescha approvada dalla radunanza communalala igls 20 da fanadour 2018 davart igl gioldamaint da prada, pastgiras ed alps vign mesa an vigour per igl 1. da schaner 2019.
- La radunanza communalala ò approvo en credit supplementar da CHF 550'000.00 per la realisaziun dalla furniziun d'urgenza a Vasarauls (ava ed electric). Igl costs supplementars per la furniziun d'urgenza a Vasarauls montan uscheia an total CHF 1'290'000.00.

- La lescha davart igl gioldamaint da prada, pastgiras ed alps digl cumegn Albula/Alvra è neida approvada digls votants. La suprastanza communal relascha las determinaziuns executoricas necessarias, tgi sa cumponan d'en'ordinaziun e d'en'aggiunta a chesta ordinaziun. La suprastanza communal fixescha l'antrada an vigour dalla lescha.
- Igl rendachint annual 2017 digl cumegn Albula/Alvra è nia approvo senproposta dalla cumischung a gestiun. Chel sera cun antradas totalas da CHF 14'513'614.81 ed expensas totalas da CHF 14'221'023.03 cun en surple da retgav da CHF 292'591.78. Tar las expensas totalas figureschan amortisaziuns ordinarias da CHF 672'900.00 ed amortisaziuns supplementaras da CHF 1'100'000.00.
- La radunanza communal ha approvo igls rendachints finals e parzials digls suandonts projects:
 - Sanaziun digl provedimaint d'ava / Ovra electrica ava da Bever Rand, Lantsch-Tiefencastel;
 - Attatg digl provedimaint d'ava – Alvaschagn;
 - Attatg urgent a Vasarauls, Brinzauls.

La suprastanza communal